

Туман маҳаллий бюджетининг 2022 йил 9 ойлик ижроси ва маҳаллий бюджет даромадларининг қўшимча даромад захираларини аниқлаш бўйича амалга оширилган ишлар ҳамда амалга оширилган харажатлар тўғрисида.

МАЪЛУМОТ

I. Маҳаллий бюджет даромадлари бўйича.

Туман маҳаллий бюджетининг 2022 йил 9 ойлик даромадлари режаси **56 млрд. 134.4 млн.сўмга** белгиланган бўлиб, жорий йил 9 ойлик бюджет ижроси давомида **60 млрд. 663.8 млн.сўмга ёки 108 фоизга** бажарилди. Бунинг натижасида туман маҳаллий бюджетди **3-чорак** даромадлар режасининг ошириб бажарилган қисми **4529.4 млн.сўмни** ташкил этди.

Туманнинг ҳудудий салоҳиятидан келиб чиққан ҳолда маҳаллий бюджет даромадларининг қўшимча манбаларини шакллантириш, даромадлари базасини мустаҳкамлаш ва кенгайтириш бўйича амалга оширилаётган ишларнинг пиروвард натижаси даромад прогноз кўрсаткичларини ошиғи билан бажариш учун асосий омил бўлиб хизмат қилмоқда.

Бирок, туман маҳаллий бюджети даромадларининг умумий прогноз кўрсаткичлари бажарилган бўлсада, айрим солиқ турлари бўйича, жумладан жисмоний шахсларнинг мол-мулкига солинадиган солиқ тури бўйича **236.8 млн.сўм** солиқ тушумлари ундирилмасдан қолди.

II. Маҳаллий бюджетлар харажатлари бўйича.

Туман маҳаллий бюджетининг жорий йил 9 ойлик бюджет ижроси давомида аниқланган режа **143 млрд. 162.1 млн.сўмни** ташкил этиб, касса харажатлари **141 млрд. 936.0 млн.сўмга ёки 99.1** фоизга ижро этилди.

Туман маҳаллий бюджетининг 9 ойлик харажатлар таркибининг **73.9** фоизи ёки **105 млрд. 832.2 млн.** сўми ижтимоий соҳа ва ижтимоий қўллаб-қувватлаш харажатлари ҳиссасига тўғри келмоқда.

Бюджет харажатларини тармоқлар бўйича кўриб чиқилганда асосан таълим тизими муассасаларининг харажатлари **29 млрд 175.9 млн.** сўмни (20.4 фоиз), соғлиқни сақлаш соҳаси харажатлари **40 млрд 874.5 млн.** сўмни (28.6 фоиз) ва ижтимоий нафақалар хооажатлари **35 млрд, 785,8 млн.** сўмни (25 фоиз) ташкил этмоқда.

Шунингдек, маданият ва спорт харажатларига кўзда тутилган маблағлар учун **3 млрд. 067,2 млн.** сўм молиялаштирилди.

Иқтисодийнинг устувор тармоқларини харажатларнинг эса

6 млрд 619,4 млн. сўм қисми молиялаштирилиши таъминланди.

III. Маҳаллий бюджетларнинг қўшимча даромад манбаалари бўйича

Жорий йил туман маҳаллий бюджетида йил бошига сақланган эркин қолдиқ маблағи ҳажми **2 млрд. 172.1 млн.** сўмни, вилоят маҳаллий бюджетида йил бошига сақланган эркин қолдиқ маблағларидан **2 млрд. сўм**, туман маҳаллий бюджети даромадлар режаси ортириб бажарилган қисми **4 млрд. 529,4 млн** сўмни ва туман ҳокимлиги захира жамғармаси маблағи **1 млрд. 305,8 млн.сўм** ҳисобидан, жами **10 млрд. 007,3 млн.сўм** миқдориди қўшимча манбалар шаклланиб, ушбу маблағлар Халқ депутатлари туман Кенгашининг қарорлари ва туман ҳокимлигининг тегишли фармойишларига асосан бюджет параметрларида кўзда тутилмаган қўшимча харажатларга йўналтирилди.

Бунда биринчи навбатда Давлат дастурлари ва Ҳукумат қарорларида тасдиқланган тадбирларга асосан ҳудудларни ижтимоий-иқтисодий ривожлантириш, бу орқали аҳоли турмуш

фаровонлигини таъминлаш ва бошқа муҳим ижтимоий масалаларни молиялаштириш инobatга олинган.

Жумладан, “аёллар дафтари”, “ёшлар дафтари”, “саховат ва кумак” жамгармаларига **4 млрд. 107,18 млн. сўм** ва жамоатчилик фикри асосида шаклландиган тадбирларни молиялаштириш учун “**Фуқаролар ташаббуси жамғарма**” сени шакллантириш учун тасдиқланган бюджет маблағлари хисобидан **6 млрд, 529,0 млн, сўм ва 2 млрд. 206,3 млн. сўм жами 8 млрд, 735,3 млн. сўм** маблағлар йўналтирилди.

Ўзбекистон Республикаси Президентининг 2021 йил 13 апрелдаги ПҚ-5072-сонли “**Бюджет жараёнида фуқароларнинг фаол иштирокини таъминлаш бўйича қўшимча чора-тадбирлар тўғрисида**”ги қарори асосида “**Очиқ бюджет**” ахборот порталида “**Ташаббусли бюджет**” жараёнлари ўтказиб келинмоқда.

Жумладан 2022 йилнинг феврал-март, июл-август ойларида ўтказилган ташаббусли бюджет жараёнларида жами фуқаролар томонидан **220 та** лойиҳалар илгари сурилиб, **145 таси** ишчи комиссия томонидан саралаб олинган ҳамда ушбу лойиҳаларга **54188 та** (жами Жамғармага йўналтирилган ҳамда йил бошига шаклланган қолдиқ маблағлар доирасида **9 ой** давомида ўтказилган ташаббусли бюджет жараёнлари яқунларига кўра амалга ошириш қиймати **8.3 млрд. сўмни** ташкил этган **10 та** лойиҳалар (**30938 та овоз тўплаган ҳолда**) голиб деб топилган.

Голиб деб топилган лойиҳаларни амалга ошириш юзасидан манзилли рўйхат шакллантирилиб, Халқ депутатлари туман Кенгаши томонидан тасдиқланган.

Голиб деб топилган **10 та** лойиҳаларга жами **8.3 млрд.** сум маблағлар тўлиқ молиялаштириб берилди.